

遇嵩高女真韓西華出遊而愍之撫接二人遂獲內救外示死形體實密濟便將入嵩高山今在華陽宮洞中易遷之宮六出時年一十二三體貌亦整善有心節本姓田漁陽人魏故浚儀令田諷之孫諷曾有陰德之行以及六出耳

孟欽風旋邳林雲翔

晉逸史孟欽得左慈劉根之法百姓歸向之時符堅惡其惑眾欲誅之俄而欽至堅留之飲酒酣令左右執之欽化爲旋風而去有告在城東忽前溪水不能渡

真誥范邳林在華陽宮爲保命丞善長嘯如百鳥之雜鳴或如風激眾林或如伐鼓之音須臾雲翔其上衝氣動林

道藏輯要

三洞羣仙錄

一書

翼集四
XIIII

休復妓侮徐姑僧僵

仙傳拾遺陳休復者號陳七子嘗於巴南太守筵中爲酒妓所侮休復笑視其面須臾妓者髯長數尺泣訴於守守爲祈謝休復呪一杯酒使飲之良久如舊

廣記徐仙姑者北齊僕射徐之才之女也年數百歲狀貌常如二十四五歲善禁呪之術名山勝景無不周遊多宿巖麓之中寓止僧院忽爲豪僧數輩微辭巧言侮之姑罵之羣僧激怒色愈悖姑笑曰我女子也而能棄家雲水不避蛟龍虎狼豈懼汝鼠輩乎姑卽解衣而臥遽徹其燭僧喜以爲得志洎明姑理策出山諸僧一夕皆僵立尸坐口不能言姑去數